

Elaborado polo Servizo de Programas Mixtos da Dirección Xeral de Orientación e Promoción Laboral

MODIFICACIÓNS SOBRE A VERSIÓN ANTERIOR

ÍNDICE

1 INTRODUCCIÓN	2
2 INSTRUCIÓNS PARA O INICIO DAS ACCIÓNS	
2.1 Contratación do persoal que executará as accións	3
2.2 Selección das persoas demandantes a participar nas accións da programa	5
2.3 Comunicación de inicio das accións da programa	12
2.4 Baixa e substitución de persoas demandantes participantes na programa	13
3 PUBLICIDADE DA SUBVENCIÓN	
3.1 Cartelería	15
3.2 Instrucións para a impresión do cartel	16
3.3 Autorización para accións publicitarias e anuncios	16
4 SOLICITUDE DE PRÁCTICAS EN EMPRESAS PARA PARTICIPANTES	
4.1 Solicitud de autorización previa	18
5 COMUNICACIÓN DAS SUBCONTRATACIÓNS	
5.1 Comunicación previa	20
5.2 Solicitud de autorización previa	20
6 CERTIFICADOS DE PROFESIONALIDADE	
6.1 Comunicación de realización de actividades formativas asociadas a certificados de profesionalidade	22
6.2 Información dos requisitos que deberá cumprir a formación certificable	22
7 PROTOCOLO DE COMUNICACIÓNS	24



1 INTRODUCCIÓN

A finalidade última dos programas integrados para o emprego é a de posibilitar a integración laboral de persoas demandantes con dificultades para acceder a unha ocupación no mercado laboral, o que xustifica o apoio a estas accións mediante a achega de financiamento público.

Estes programas de emprego dirixidos á mellora da ocupabilidade e á inserción laboral das persoas traballadoras en situación de desemprego contemplan a posta en marcha de proxectos integrados de emprego con intermediación laboral durante un período de 12 meses e que desenvolven, con carácter obrigatorio as seguintes accións: información, orientación e asesoramento, formación transversal en novas tecnoloxías e/ou idiomas, técnicas de coaching, intelixencia emocional e técnicas de motivación para a busca de emprego, tanto por conta propia como allea, habilidades sociolaborais e obradoiros de entrevista, fomento da capacidade emprendedora, prospección empresarial, emparellamento de ofertas de traballo coas persoas demandantes, formación para o emprego diferente da exposta anteriormente (novas tecnoloxías e/ou idiomas), prácticas profesionais non laborais en empresas, en consonancia preferentemente co contido teórico práctico das accións formativas e obradoiros sobre mobilidade laboral. Nestes programas establécense uns obxectivos cuantitativos previstos de inserción laboral das persoas participantes neles.

Xustamente para facilitar este obxectivo de inserción, a convocatoria dos programas integrados de emprego permite ás entidades beneficiarias a flexibilidade para deseñar e desenvolver esta variedade de accións á medida das súas necesidades, podendo contar co persoal que consideren axeitado para a súa execución, sempre dentro dos límites establecidos na Orde do 31 de maio de 2018, pola que se establecen as bases reguladoras para a concesión de subvencións para a posta en práctica de programas integrados de emprego de Galicia, e se convocan para o ano 2018.

Por este motivo, esta instrución pretende servir de directriz á hora de poñer o programa integrado en marcha polas entidades beneficiarias, para asegurar que estes obxectivos se teñen presentes en todo o proceso de selección e inicio das accións, e que o esforzo orzamentario realizado pola Xunta de Galicia a través da Consellería de Economía, Emprego e Industria acada a finalidade prevista.



2 INSTRUCIÓNS PARA O INICIO DAS ACCIÓNS

2.1 Contratación do persoal que executará as accións

As accións poderán ser executadas por persoal propio da entidade (con imputación de ata un 80% da súa xornada) que xa forme parte do cadro de persoal da mesma con anterioridade á concesión da subvención, por persoal que sexa contratado de forma específica para o desenvolvemento das accións do programa integrado de emprego ou mediante a subcontratación de medios externos (neste último caso, tendo en conta que esta subcontratación só poderá realizarse para o desenvolvemento de **accións de formación, exclusivamente**).

NOTA INFORMATIVA:

Consideraranse gastos imputables de persoal os mencionados no apartado a) e c) do apartado 1 do Artigo 13 da Orde de subvención:

a) Gastos de persoal directos

Neste sentido, cómpre lembrar que se o contrato que vincula á entidade coa persoa é de **carácter laboral**, con independencia de se esta relación existía con anterioridade ou é nova e específica para o desenvolvemento das accións do programa integrado de emprego (polo tanto, será a través dunha nómina como se acrediten os importes a xustificar), **non ten a consideración de subcontratación**. Os gastos de persoal directos inclúen os custos salariais e de seguridade social do persoal necesario de xestión e/ou formación das persoas demandantes de emprego. Tamén terán a consideración de gastos de persoal directos as retribucións das persoas traballadoras por conta propia contratadas polo beneficiario como **formadores**, é dicir, persoas físicas pero mediante un **contrato mercantil**.

c) Gastos de persoal indirectos

Neste apartado incluírase o persoal adicado á xestión administrativa e a tarefas auxiliares.

No caso de **contratación de novo persoal** pola entidade, para posibilitar a súa imputación á subvención, no contrato laboral que se asine entre as partes, **debe figurar expresamente** a vinculación da persoa ao desenvolvemento das accións do programa, incluíndo un texto do estilo do seguinte: “[*categoría*] no ámbito do desenvolvemento das accións do programa integrado de emprego 2018-2019”.



En calquera caso (tanto de tratarse de persoal xa integrado no cadro de persoal da entidade como se este é de nova contratación), a entidade deberá indicar a porcentaxe de imputación da xornada deste persoal ao desenvolvemento das accións do programa de emprego, tendo en conta que no caso de persoal xa integrado na entidade con anterioridade á concesión de subvención, o límite máximo de imputación con carácter xeral será **do 80% da súa xornada laboral**. Do mesmo xeito tamén deberá indicar o **número de horas da súa xornada** para os 12 meses de duración da programa. Este número de horas efectivas de traballo multiplicarase por **33,24€** no caso dos titulados superiores e por **28,41€** no caso dos medios e a suma deste importes establecerá o **tope de gastos dos apartados a, b e c do artigo 13 da Orde de subvención**. No caso do persoal contratado por conta propia como formadores, os módulos aplicables serán **33,24€** no caso de que teña titulación superior e **28,41€ nos restantes casos**.

Excepcionalmente, se o persoal comunicado no inicio do programa sufrira algunha variación, a entidade deberá enviar un novo anexo de persoal, asinado electronicamente, correctamente actualizado. A entidade beneficiaria deberá remitir dita comunicación ao Servizo de Programas Mixtos a través do enderezo electrónico programas-integrados.traballo.santiago@xunta.gal, especificando os cambios propostos. Indicando no asunto "MODIFICACIÓN ANEXO II".

NOTA IMPORTANTE:

Se se produciran variacións da porcentaxe de imputación do persoal ao longo do período de execución do programa, farase constar dita imputación especificando a que período de tempo corresponde.

En calquera caso, e á vista das xustificacións que no seu momento se realicen, o Servizo de Programas Mixtos resérvase a facultade de requirir informes xustificativos para acreditar convenientemente as imputacións de xornada laboral deste persoal. De non xustificarse de xeito documental ou mediante verificacións in situ a porcentaxe de adicación declarada, procederase á revisión da liquidación dos custos de persoal correspondentes de acordo co previsto na Lei 9/2007, do 13 de xuño, de subvencións de Galicia.

2.2 Selección das persoas demandantes que participarán nas accións do programa de emprego



Para a selección das persoas demandantes de emprego que participarán nas accións do programa integrado de emprego, a entidade beneficiaria terá un prazo de dous meses dende a data marcada no anexo á resolución como "Data de inicio".

Os requisitos que deben reunir as persoas demandantes de emprego seleccionadas **deberán cumprirse na data de sinatura da ficha de alta no programa**. Corresponderá á oficina de emprego comprobar este aspecto con carácter previo á modificación da situación administrativa de suspensión con intermediación.

Para a selección de persoas demandantes seguirase o seguinte procedemento:

- a) Deberá poñerse en contacto co xefe/a de servizo de Orientación e Promoción Laboral da xefatura territorial da Consellería de Economía, Emprego e Industria correspondente á súa sede (Anexo I a este punto), para os efectos de coordinar con esta o proceso de selección das persoas participantes (oficina de emprego asignada, supervisión do proceso de selección e incidencias).
- b) A selección das persoas beneficiarias deberá realizarse necesariamente na/s Oficina/s de Emprego designada/s pola xefatura territorial, levando de xeito obrigatorio copia da resolución de concesión e o seu anexo.
- c) O procedemento de selección pactarase co técnico de ofertas da correspondente oficina respectando o número e porcentaxe por colectivo establecidos na resolución de concesión. De producirse, por causas xustificadas, algún cambio na distribución por colectivos, só poderá realizarse con persoas demandantes pertencentes ao mesmo ou superior grupo de valoración (A, B, C ou D). **Non é preciso solicitar autorización ao servizo de Programas Mixtos para este axuste na distribución de colectivos.**
- d) A selección de participantes farase mediante o seguinte procedemento, tendo en conta, en todo caso, que:
 - En primeiro lugar, a oficina de emprego facilitará á entidade beneficiaria a relación de persoas candidatas que teñan solicitado na súa demanda o servizo de "Programas experimentais" (930)", con posterioridade ao 1 de xaneiro de 2017 e que cumpran co previsto no anexo á resolución (tipo de colectivo, ámbito territorial, etc...). En calquera caso, unha entidade non poderá rexeitar a unha persoa demandante que mostre interese en participar no programa e que cumpra co previsto no anexo á resolución.
 - A efectos de completar a selección de participantes, as entidades poden optar pola vinculación nominal directa de persoas participantes. A oficina de emprego comprobará que cumpran co previsto na orde de convocatoria e cos



requisitos do anexo á resolución antes de modificar a súa situación administrativa de suspensión con intermediación con causa 699. Estas persoas candidatas deberán pertencer ao grupo ou grupos de valoración pendentes de completar, dacordo co especificado no anexo da resolución. As prazas restantes que non se cubran polos medios anteriormente indicados, deberán cubrirse mediante o procedemento de selección a través dunha oferta específica (Tipo G “Programa tipo A” ou H “Programa tipo B”) de programas integrados (unha por cada colectivo), a través da sondaxe ou busca parametrizada de demandantes.

Non poderán participar na selección aquelas persoas demandantes que foron atendidas nun programa integrado para o emprego efectivamente realizado (excluídas renuncias ou revogacións de programas) no exercicio 2017-2018.

e) De acordo co previsto no artigo 11.1. a) da orde de convocatoria, os colectivos a atender e a súa forma de selección autorizada son os seguintes:

GRUPO	COLECTIVO	FORMA DE SELECCIÓN	ACREDITACIÓN
A	Persoas con discapacidade	Vinculación nominal/Oferta integrados/busca parametrizada/sondaxe	Certificación de discapacidade igual ou superior ao 33%. Exentas se a dita circunstancia consta en demanda.
A	Persoas en risco de exclusión social	Vinculación nominal/Oferta integrados/busca parametrizada/sondaxe	Certificación do Sistema Galego de Servizos Sociais (Anexo II)/ No caso de persoas beneficiarias da RISGA, exentas se consta en demanda (Colectivo especial 50)
A	Menores de 30 anos (baixa cualificación)	Vinculación nominal/Oferta integrados/busca parametrizada/sondaxe	Nivel formativo demanda de emprego (Anexo III)
A	Mulleres coa condición de vítimas de violencia doméstica	Vinculación nominal/Oferta integrados/busca parametrizada/sondaxe	Demanda de emprego (para os casos de non confidencialidade) /Titor específico da OEX nos restantes.
B	Menores de 30 anos	Vinculación nominal/Oferta integrados/busca parametrizada/sondaxe	
B	Persoas desempregadas maiores de 45 anos	Vinculación nominal/Oferta integrados/busca parametrizada/sondaxe	
B	Persoas desempregadas perceptoras (preferencia do Programa ACTIVA)	Vinculación nominal/Oferta integrados/busca parametrizada/sondaxe	
B	Persoas desempregadas beneficiarias do PREPARA	Vinculación nominal/Oferta integrados/busca parametrizada/sondaxe	Colectivo especial 28 en demanda de emprego.



B	Persoas desempregadas como consecuencia dun ERE extintivo presentado despois do 11 de xullo de 2016	Vinculación nominal/oferta integrados/busca parametrizada/sondaxe	Certificación da presentación do expediente de regulación de emprego e da extinción da relación laboral preexistente.
C	Mulleres (non incluídas no grupo A)	Vinculación nominal/Oferta integrados/busca parametrizada/sondaxe	
C	Persoas desempregadas de longa duración	Vinculación nominal/Oferta integrados/busca parametrizada/sondaxe	
C	Persoas Inmigrantes	Vinculación nominal/Oferta integrados/busca parametrizada/sondaxe	En demanda: persoas estranxeiras non comunitarias (con permiso de traballo)
D	Outros	Vinculación nominal/Oferta integrados/busca parametrizada/sondaxe	

Nos casos de ofertas, sondaxes ou buscas parametrizadas, o número máximo de candidatos por posto **a remitir é de dous**, puidéndose repetir a oferta, sondaxe ou busca parametrizada unha soa vez, remitíndose **outros dous** candidatos para cada praza vacante.

Nos casos de vinculación nominal, a oficina de emprego igualmente comprobará a non participación efectiva das persoas propostas en programas integrados para o emprego efectivamente desenvolvidos no exercicio 2017-2018.

- f) De entre as persoas candidatas enviadas, a entidade deberá seleccionar a aquelas que finalmente vaian participar nas accións do seu programa integrado. Para isto, a entidade empregará as técnicas de selección que estime oportunas. A medida que se van seleccionando persoas para participar no programa, a entidade remitirá á oficina de emprego o listado completado co estado de selección de cada unha das persoas candidatas (“incluída” ou “excluída” segundo proceda), debendo explicar, no caso das persoas excluídas, os motivos desta exclusión. **Non poderán ser rexeitadas persoas que cumplan os requisitos e teñan interese en participar no programa.** A entidade deberá comunicar á oficina asignada as persoas candidatas seleccionadas de xeito inmediato. **A ficha de control e alta no programa deberá ser asinada tanto pola persoa demandante como polo responsable do programa antes de realizar dita comunicación.**



- g) Todas as persoas participantes estarán identificadas necesariamente no Servizo Público de Emprego de Galicia coa **situación administrativa con causa 699** mentres dure o período de desenvolvemento do programa, e tamén se anotará o inicio dun itinerario 0007 “Programas experimentais”, a través do aplicativo **ORNSOA**.
- h) No caso de que, finalizado o período máximo de selección, a entidade non seleccionase o número suficiente de persoas candidatas de acordo ao programa integrado presentado e aprobado, poderá significar a **perda do dereito ao cobro da subvención concedida**.

NOTA IMPORTANTE

PUBLICIDADE DOS PROGRAMAS INTEGRADOS

As entidades que opten pola **vinculación nominal** de persoas participantes do programa integrado, deberán publicitar o programa a efectos de dalo a coñecer entre as persoas demandantes do seu ámbito territorial, nos medios que considere máis efectivos, e cando menos na propia páxina web (de tela) e no xornal de maior tirada do ámbito territorial onde se levará a cabo o programa integrado. Deberá informar como mínimo, dos colectivos a atender, o obxectivo de inserción, as accións que se levarán a cabo e as medidas de conciliación, se as houbera. Este anuncio, como toda a publicidade, require autorización previa do Servizo de programas mixtos.



ANEXO I Datos de contacto das Xefaturas Territoriais

Xefatura Territorial da Coruña

Avda. Salvador de Madariaga, 9-1º
15071 A Coruña
Servizo de Orientación e Promoción
Laboral
Tlfno: 881 881 575

Xefatura Territorial de Ourense

Avda da Habana, 79
32071 Ourense
Servizo de Orientación e Promoción
Laboral
Tlfno: 988 386 828

Xefatura Territorial de Lugo

Ronda da Muralla, 70
27071 Lugo
Servizo de Orientación e Promoción
Laboral
Tlfno: 982 294 261

Xefatura Territorial de Pontevedra

R/Concepción Arenal, 8
36201 Vigo
Servizo de Orientación e Promoción
Laboral
Tlfno: 986 817 024

Datos de contacto de Servizos Centrais

Servizo de Programas Mixtos

Programas Integrados

Teléfonos: 981 545 945 ou 881 999 629
programas-integrados.traballo.santiago@xunta.gal
<http://emprego.ceei.xunta.gal/programas-integrados>



ANEXO II- COLECTIVOS EN RISCO DE EXCLUSIÓN SOCIAL

Para a valoración técnica da situación ou risco de exclusión social verificarase polos **servizos sociais comunitarios da Comunidade Autónoma de Galicia**, ademais da situación de desemprego, a ausencia ou déficit grave de recursos económicos, así como a concorrencia dalgún dos factores de exclusión recollidos no **artigo 3 da Lei 10/2013, do 27 de novembro, de inclusión social de Galicia**, cando esta condición supoña especiais dificultades de integración social ou laboral:

- a) Estar nunha situación de cargas familiares non compartidas.
- b) Ser unha persoa vítima de violencia doméstica.
- c) Estar en proceso de rehabilitación social, como resultado dun programa de deshabitación de substancias aditivas ou de calquera outra adicción que produza efectos persoais e sociais de natureza semellante.
- d) Ter a condición de muller vítima de violencia de xénero.
- e) Ter a condición de persoa con discapacidade.
- f) Ser inmigrante ou emigrante retornado.
- g) Proceder de institucións de protección ou reeducación de menores.
- h) Proceder de cumprimento de pena nunha institución penitenciaria.
- i) Ser unha persoa sen fogar ou habitar nunha infravivenda.
- j) Pertencer a unha minoría étnica.
- k) Estar en proceso de abandono do exercicio da prostitución ou ser vítima de explotación sexual-laboral en redes de prostitución ou de trata de persoas.
- l) Ter a condición de persoa transexual ou estar en proceso de reasignación sexual.
- m) Calquera outro factor non previsto expresamente no artigo 3 da Lei 10/2013, do 27 de novembro, de inclusión social de Galicia, sempre que, ponderado polos servizos sociais comunitarios no contexto persoal, familiar e social da persoa, condicione negativa e gravemente a súa inclusión social e laboral.



ANEXO III- BAIXA CUALIFICACIÓN Enténdese que cumpren o requisito de baixa cualificación as persoas demandantes que, nos seus datos de persoa física, teñan consignado algún dos seguintes niveis formativos:

11	<i>ESTUDOS PRIMARIOS INCOMPLETOS</i>
12	<i>ESTUDOS PRIMARIOS COMPLETOS</i>
21	<i>PROGRAMAS PARA A FORMACIÓN E INSERCIÓN LABORAL QUE NON PRECISAN DUNHA TITULACIÓN ACADÉMICA DA 1ª ETAPA DE SECUNDARIA PARA A SÚA REALIZACIÓN (MÁIS DE 300 HORAS)</i>
22	<i>PRIMEIRA ETAPA DE EDUCACIÓN SECUNDARIA SEN TÍTULO DE GRADUADO ESCOLAR OU EQUIVALENTE.</i>
23	<i>PRIMEIRA ETAPA DE EDUCACIÓN SECUNDARIA CON TÍTULO DE GRADUADO ESCOLAR OU EQUIVALENTE.</i>
31	<i>PROGRAMAS PARA A FORMACIÓN E INSERCIÓN LABORAL QUE PRECISAN DUNHA TITULACIÓN DE ESTUDOS SECUNDARIOS DE PRIMERA ETAPA PARA A SÚA REALIZACIÓN (MÁIS DE 300 HORAS)</i>
32	<i>ENSINANZAS DE BACHARELATO</i>
80	<i>SEN ESTUDOS</i>



2.3 Comunicación de inicio das accións da programa de emprego

A entidade deberá comunicar o inicio das accións da programa de emprego **dentro dos 10 días hábiles** contados dende aquel en que rematou o proceso de selección.

Todos os trámites administrativos que as persoas interesadas deban realizar durante a tramitación deste procedemento deberán ser realizadas electrónicamente a través da Sede Electrónica, para eso teremos en conta o especificado no artigo 16 da lei 39/2015, de 1 de outubro do Procedemento Administrativo Común das Administracións Públicas.

No caso do anticipo, presentarán debidamente cuberto, o modelo de comunicación de inicio das accións do programa, que atopará no enderezo <http://emprego.ceei.xunta.gal/programas-integrados>, acompañado pola seguinte documentación:

- a- Certificado de inicio do programa e solicitude, de ser o caso, do pagamento do anticipo da subvención, no que se incluírá:
 - Declaración responsable de estar ao día no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración pública da Comunidade Autónoma de Galicia, dacordo cos modelos que se atoparán no enderezo <http://emprego.ceei.xunta.gal/programas-integrados>.
 - A titularidade da conta da entidade beneficiaria, incluíndo o IBAN, onde se deba efectuar o pagamento.

- b- Copia do contrato ou contratos do persoal (propio ou específico contratado para o programa) do persoal que realizará as accións do programa ou indicación, no seu caso, do número de expediente no que consta esta documentación se xa fose remitida (últimos 5 anos).

- c- Certificado da alta na Seguridade Social do dito persoal (modelo IDC), ou indicación, no seu caso, do número de expediente se esta documentación xa fose remitida (últimos 5 anos).

- d- Ficheiro informático coa relación de persoas participantes (dispoñible no devandito enderezo web).

- e- Unha ficha de control por cada persoa demandante participante no programa debidamente asinada, según o modelo dispoñible na orde de convocatoria (Anexo III).



f- Cando menos unha fotografía dixital, preferentemente en formato JPEG, do cartel informativo **en relación ao seu emprazamento** dentro da entidade beneficiaria, ou en relación ás accións da programa, polo que se evitarán os primeiros planos nos que unicamente se aprecie o cartel. Estas fotografías, deben permitir evidenciar o cumprimento do indicado no apartado 3 deste manual en relación á publicidade.

h- Copia das pólizas de seguros para a formación técnica, prácticas ocupacionais ou calquera outra actividade que se leve a cabo coas persoas demandantes dentro do programa integrado, así como o correspondente seguro de responsabilidade civil, que teñan, cando menos, as características e contías previstas no artigo 18, liña f da orde de convocatoria.

Ademais, a entidade deberá presentar un **cronograma** de todas as actividades previstas no programa integrado, especificando lugar, día e hora de realización. O cronograma que se presente coa documentación de inicio do programa deberá conter, cando menos, as actividades dos dous primeiros meses coa especificacións arriba sinaladas. A medida que se vaian concretando o resto de accións, a entidade deberá enviar un cronograma actualizado de forma trimestral.

2.4. Baixa e substitución de persoas demandantes participantes no programa

Para proceder a baixa e substitución das persoas demandantes participantes no programa Integrado, non será preciso solicitar autorización, bastará con realizar unha comunicación ao Servizo de Programas Mixtos a través da conta programas-integrados.traballo.santiago@xunta.gal, facendo constar no asunto “comunicación de baixa”. Esta comunicación realizarase con periodicidade mensual, dentro dos tres últimos días hábiles, cumprimentando o seguinte cadro nunha folla de cálculo (este modelo estará colgado na páxina web):

NOME ENTIDADE:
DENOMINACIÓN PROGRAMA:
Nº DE EXPEDIENTE: TR332A 2018/
BAIXAS E ALTAS MES DE

Índice	Nome	Apelidos	NIF/NIE <small>(incluída letra, seis díxitos ou guións) Exemplo: 11111111X</small>	Sexo (H/M)	Data de nacemento (XX/XX/XXXX)	Colectivo	Data de alta (XX/XX/XXXX)	Data de baixa (XX/XX/XXXX) <small>(de producirse antes de que finalice o programa)</small>	Motivo da baixa	Persoa substituída (SI/NON)	Nome	Apelidos	NIF/NIE <small>(incluída letra, seis díxitos ou guións) Exemplo: 11111111X</small>	Sexo (H/M)	Data de nacemento (XX/XX/XX XX)	Colectivo	Data de alta (XX/XX/XX XX)

Cada vez que se produza unha baixa deberán dirixirse á/as oficina/s de emprego que lles correspondan, levando as fichas de baixa debidamente asinadas. Estas fichas non será preciso envalas ao Servizo de Programas Mixtos ata o remate do Programa.

Para substituír as persoas que causen baixa deberán seguir o mesmo procedemento que rexía para a selección: vinculación nominal en primeiro lugar e no caso de non contar con candidatos de vinculación, a oficina deberá remitir unha nova listaxe cun máximo de dúas persoas candidatas ao posto ofertado, de entre as que a entidade deberá seleccionar a que



considere máis axeitada. As persoas substituídas deberán selo por outros demandantes do mesmo colectivo, ou do mesmo ou superior, grupo de puntuación.

Neste proceso, cómpre destacar o seguinte:

- a) **A colocación das persoas participantes non é nunca motivo de baixa no programa.** Para o caso de que esta colocación remate antes da finalización do período de execución, a persoa deberá darse novamente de alta como demandante de emprego e comunicarlle á oficina de emprego a súa pertenza a un programa integrado aos efectos de que esta anote de novo a **situación administrativa correspondente (699)**. As entidades deberán orientar e guiar aos participantes coas dúbidas que lles xurdan neste proceso.

- b) **Só serán posibles as substitucións das baixas nos primeiros 9 meses do programa.** Nos tres últimos meses do programa, a entidade poderá comunicar a baixa da persoa demandante que se terá, en todo caso, como persoa atendida no caso de que se acrediten, a realización de 5 accións individuais e tres de distinta natureza esixidas no artigo 3.3 da orde de convocatoria.

A entidade manterá actualizado o ficheiro informático de persoas participantes no programa en todo momento coas baixas e altas correspondentes. Este ficheiro solicitarase no momento da liquidación final. A entidade tamén é responsable da documentación acreditativa destes cambios (ficha de alta e ficha de baixa de persoas participantes) e que deberá estar a disposición da administración en todo momento.

NOTA IMPORTANTE:

En ningún caso se permitirá ás entidades contar con persoas suplentes.



3 PUBLICIDADE DA SUBVENCIÓN

3.1 Cartelería

No lugar onde se realicen as accións do programa, deberá figurar de forma visible un cartel informativo da subvención segundo o modelo establecido pola Consellería de Economía, Emprego e Industria, dispoñible para a súa descarga no enderezo web <http://emprego.ceei.xunta.gal/programas-integrados>.

Este cartel debe dispoñerse sobre un fondo ríxido (cartón pluma, metacrilato,...). A entidade engadira ao modelo de cartel anteriormente mencionado o nome da entidade e o nome do programa nos espazos debidamente habilitados, e situarase de xeito preferente na parede adxacente ao acceso ao lugar no que se desenvolvan as accións, ou na mesma porta. A entidade beneficiaria enviará **cando menos unha fotografía dixital** (preferentemente en formato JPEG) na que se poida apreciar o emprazamento do cartel en relación ao lugar no que se desenvolven as accións, no que se poida apreciar que este resulta claramente visible.

Por este motivo, **non resultarán aceptables** as fotografías de primeiro plano ou plano curto do cartel, nas que non se aprecie a súa situación en relación ao entorno no que se empraza.



O modelo do cartel informativo da subvención está dividido en varias seccións:

- Na parte superior esquerda, o texto "PROGRAMAS INTEGRADOS DE EMPREGO DE GALICIA" en azul.
- Na parte superior dereita, o logotipo da Xunta de Galicia e o texto "XUNTA DE GALICIA".
- Unha franxa azul centralizada co texto "Nome entidade" en branco.
- Unha franxa azul inferior centralizada co texto "Nome do programa" en branco.
- Na base do cartel, unha fila de logos: o logotipo do Ministerio de Trabajo, Migraciones y Seguridad Social; o logotipo de "Emprego Galicia"; un recadro azul co texto "Entidade promotora" e un símbolo de cruz; e o logotipo de "galicia".



3.2 Instrucións para a impresión do cartel

- **Formato:** Impresión sobre un fondo ríxido en tamaño A3 (42,00 cm. x 29,70 cm.). Unha vez impreso, eliminaranse as marxes para obter un cartel de 40 cm. x 28 cm.
- **Normas estilísticas:** Será necesario cubrir o **nome da entidade (ou agrupación)** segundo conste na memoria entregada coa solicitude da subvención (non se incluírán logotipos) na plantilla PDF. Os nomes escribiranse **en minúsculas agás os nomes compostos por siglas**. Cada nome ocupará como máximo dúas liñas, como nos exemplos seguintes:
 - - CIMO
 - Confederación de empresarios de Ourense

3.2 Autorización para accións publicitarias e anuncios

No caso de que a entidade beneficiaria desexe realizar calquera tipo de acción de difusión ou publicidade das accións da programa:

- Deberá necesariamente facer referencia ao financiamento das mesmas por parte da Xunta de Galicia e o Servicio Público de Empleo Estatal, que conta cun manual dispoñible para a súa descarga no enderezo web:

- <http://www.xunta.es/descarga-do-manual>.

- Evitará os termos “Plan Integral”, “Programa de Empleo”, “PIE”, etc... O único termo aceptado é “**Programa Integrado de Empleo de Galicia**” e se se fala en plural “**Programas Integrados de Empleo de Galicia**”. No título deberá quedar claro que estamos a falar dun Programa Integrado de Empleo e no subtítulo poderase facer mención ao nome específico do programa de cada entidade.

De xeito fundamental, aínda que non exclusivo, esta autorización refírese a:

- Folletos, dípticos, trípticos, etc., realizados para a divulgación dos servizos obxecto de subvención.
- Publicacións nas que se faga referencia aos mesmos (memorias, anuarios ...).
- Insercións en publicacións periódicas.
- Anuncios en prensa ou outros medios escritos.
- Carteis para o anuncio de eventos ou actividades.
- Calquera outro tipo de materiais empregados para a difusión dos servizos obxecto da subvención.

En calquera caso, e con carácter previo á publicación, a entidade beneficiaria deberá obter a aprobación expresa por parte do Servicio de Programas Mixtos para os deseños e



contidos a empregar. Para iso, a entidade beneficiaria deberá enviar, en formato PDF e en condicións idénticas ás de publicación, unha copia dos materiais a editar ao enderezo de correo electrónico programas-integrados.traballo.santiago@xunta.gal, indicando no asunto “SOLICITUDE AUTORIZACIÓN PUBLICIDADE”, e detallando brevemente no corpo do correo as accións a desenvolver. A autorización será remitida á entidade beneficiaria a través do mesmo medio, ao enderezo electrónico de contacto da entidade.

Ademais, de acordo co establecido na orde de convocatoria, **todos os proxectos e produtos** que se elaboren con cargo á subvencións deberán identificar o programa según o previsto no manual de identidade corporativa dos programas integrados dispoñible no enderezo web <http://emprego.ceei.xunta.gal/programas-integrados>.



4 SOLICITUDE DE PRÁCTICAS EN EMPRESAS PARA PARTICIPANTES

4.1 Solicitud de autorización previa

A realización de prácticas en empresas das persoas participantes na programa de Empleo **requerirá de autorización expresa previa** do Servizo de Programas Mixtos.

Esta autorización non será necesaria se a empresa na que se van a desenvolver as prácticas ten previamente suscrito un convenio de colaboración coa Consellería de Economía, Empleo e Industria ao abeiro do disposto no Real Decreto 1543/2011, do 31 de outubro, polo que se regulan as prácticas non laborais en empresas.

<http://emplego.xunta.es/cmspro/contido/ofertantesEmpleo/PracticasNonLaborais>

Tampouco será necesaria a solicitude de autorización de prácticas ao Servizo de Programas Mixtos cando se trate de prácticas realizadas ao abeiro dun certificado de profesionalidade.

En calquera dos dous casos anteriores e tendo en conta que a realización das prácticas é unha acción obrigatoria do Programa Integrado de Empleo deberán enviar por correo electrónico un escrito, asinado electronicamente, polo responsable do Programa, facendo alusión a que se desenvolverán as prácticas dentro do certificado de profesionalidade ou ao abeiro do convenio de colaboración previamente suscrito, indicando os nomes das persoas demandantes que realizan estas prácticas. Esta comunicación poderase enviar no último trimestre do Programa cando as prácticas xa estean todas realizadas.

Para solicitar a autorización, no seu caso, a entidade deberá enviar correctamente cumprimentado o modelo de solicitude que estará ao seu dispor no enderezo <http://emplego.ceei.xunta.gal/programas-integrados> coa máxima antelación posible, de forma que unha vez autorizado **lle dean traslado desta información á Inspección de Trabajo** correspondente. O modelo para que poidan cursar a comunicación á Inspección de Trabajo estará dispoñibles na páxina web.

Se a entidade incumpre o requisito de solicitude de autorización previa das prácticas a empresas, ou realiza esta cun prazo claramente insuficiente en relación á posterior tramitación, o Servizo de Programas Mixtos declina calquera responsabilidade en relación aos posibles perxuízos que a realización destas prácticas poidan supoñer para os participantes da programa e as empresas nas que se realicen.



Para unha maior operatividade, a entidade enviará esta solicitude por correo electrónico ao enderezo programas-integrados.traballo.santiago@xunta.gal, indicando no asunto “AUTORIZACIÓN PRÁCTICAS EN EMPRESAS”. No caso de que a distribución dos días e horarios de realización das prácticas o requira pola complexidade na organización do traballo na empresa en que se realicen, a entidade beneficiaria poderá achegar un cadro complementario ao anexo indicado, para unha maior claridade.



5. COMUNICACIÓN DAS CONTRATACIÓNS DE MEDIOS EXTERNOS PARA A FORMACIÓN (SUBCONTRATACIÓNS)

5.1 Comunicación previa

No caso en que unha entidade beneficiaria teña previsto subcontratar con terceiros a execución total ou parcial **de actividades de carácter formativo** obxecto da subvención, deberá comunicar **previamente** esta subcontratación ao Servizo de Programas Mixtos.

Nesta comunicación, que se realizará por correo electrónico ao enderezo programas-integrados.traballo.santiago@xunta.gal, indicando no asunto “COMUNICACIÓN SUBCONTRATACIÓN FORMACIÓN”, deberán constar os seguintes datos:

- Actividade formativa a subcontratar, denominación, datas e lugar de realización, horas de duración, número de alumnos e importe total da factura.
- Entidade/Empresa subcontratada. Custo medio hora/alumno, que terá un importe máximo de 8€ na modalidade de formación presencial e 5€ na modalidade de teleformación. Cando excepcionalmente os prezos superen o mencionado anteriormente requirirán a autorización previa deste servizo.

5.2 Solicitud de autorización previa

No caso de que a subcontratación exceda do 20 % do importe da subvención e o dito importe sexa superior a 60.000 euros, a entidade beneficiaria estará obrigada a:

1. Subscribir o contrato de subcontratación por escrito.
2. Que a súa subscrición a autorice previamente a Dirección Xeral de Orientación e Promoción Laboral.

No caso de que a subcontratación supere os **15.000,00 euros**, o beneficiario deberá solicitar como mínimo **tres ofertas de diferentes provedores** (tal e como está previsto no artigo 29.3 da Lei 9/2007, de 13 de xuño, de subvencións de Galicia), con carácter previo á contratación do compromiso para a prestación do servizo, salvo que polas especiais características dos gastos subvencionables non exista no mercado suficiente número de entidades que o presten.



NOTA IMPORTANTE

Se se prevé a subcontratación coa mesma empresa a longo do programa de diversas actividades formativas que sumen en conxunto un importe superior a **15.000,00 euros** deberán enviar **na primeira comunicación de subcontratación** tres orzamentos diferentes.

Na dita solicitude, que se realizará por correo electrónico ao enderezo programas-integrados.traballo.santiago@xunta.gal, indicando no asunto “AUTORIZACIÓN SUBCONTRATACIÓN FORMACIÓN”, deberá remitir os seguintes datos:

- Actividade formativa a subcontratar: denominación, datas de realización, número de alumnos, numero de horas que se impartirán, importe total da factura e prezo hora/alumno.
- Entidade/Empresa subcontratada.
- Copia do contrato



6 CERTIFICADOS DE PROFESIONALIDADE

6.1 Comunicación de realización de actividades formativas asociadas a certificados de profesionalidade

Para o caso de que unha entidade teña previsto impartir unha actividade formativa asociada aos certificados de profesionalidade deberá comunicalo, con anterioridade ao inicio da mesma, ao Servizo de Programas Mixtos da Dirección Xeral de Orientación e Promoción Laboral.

Esta comunicación farase por correo electrónico ao enderezo programas-integrados.traballo.santiago@xunta.gal, indicando no asunto “FORMACIÓN CERTIFICABLE”.

Deberá remitir os seguintes datos:

- Denominación e códigos da especialidade/módulos formativos a impartir.
- Denominación e enderezo do centro onde se realizará a formación.
- Datas de realización previstas.

6.2 Información dos requisitos que deberá cumprir a formación certificable

Cómpre ter en conta que os requisitos que necesariamente deberán cumprir para que a formación impartida no programa Integrado de emprego sexa, se é o caso, certificable, son:

1. Comunicar á xefatura territorial da Consellería de Economía, Emprego e Industria correspondente o calendario definitivo de desenvolvemento das accións formativas a impartir, o lugar onde se impartirá a formación teórica, o centro de traballo onde se realizarán as prácticas, o programa formativo, en formato normalizado, co desenvolvemento de cada un dos módulos formativos que comprenda a acción formativa a impartir, a duración e os equipamentos necesarios, e a relación dos docentes cos respectivos curriculum. Ao finalizar as accións formativas comunicará a relación de alumnos e alumnas que finalizaron o curso con avaliación positiva.
2. Verificar, con anterioridade ao inicio da acción formativa, que os alumnos e alumnas reúnen os requisitos esixidos para acceder á formación de certificados segundo o establecido nos respectivos reais decretos reguladores dos mesmos.
3. Impartir a formación en locais acreditados pola Consellería de Economía, Emprego e Industria para a impartición das especialidades formativas que correspondan.



4. Someterse ás actuacións de supervisión e control que, en calquera momento, poidan acordar os servizos competentes da Consellería de Economía, Emprego e Industria, así como a todas aquelas actuacións de avaliación, seguimento e control esixidas polo RD 34/2008, do 18 de xaneiro, polo que se regulan os certificados de profesionalidade.
5. Impartir o módulo de formación práctica en centros de traballo, segundo o previsto no artigo 5bis do Real decreto 34/2008, de 18 de xaneiro polo que se regulan os certificados de profesionalidade e a comunicar á Consellería de Economía, Emprego e Industria os convenios de colaboración cos anteditos centros de traballo.
6. Que todo o persoal docente participante na formación reúna as prescricións sobre formación e experiencia profesional recollidas no anexo IV de cada certificado, e ao establecido nos respectivos Reais Decretos reguladores dos certificados de profesionalidade.
8. Avaliar aos alumnos por módulos formativos, de forma sistemática e continua, co obxecto de comprobar os resultados de aprendizaxe e, en consecuencia, a adquisición das competencias profesionais, segundo o establecido nos respectivos Reais Decretos reguladores dos certificados de profesionalidade.
9. Asesorar na tramitación da solicitude dos certificados de profesionalidade a todas as persoas que cumprindo os requisitos de acceso á formación finalicen con avaliación positiva a formación, sen que en ningún caso a Consellería de Economía, Emprego e Industria adquira responsabilidade nin obriga ningunha respecto daquelas persoas que puideran participar na formación impartida pero non reuniran antes de comezala os requisitos de acceso esixidos polos certificados de profesionalidade.

Santiago de Compostela, 31 de xaneiro de 2019

O director xeral de Orientación e Promoción Laboral

Jose Alfonso Marnotes González



5 PROTOCOLO DE COMUNICACIÓNS

Forma das comunicacións electrónicas

1. Todas as comunicacións realizaranse ao enderezo programas-integrados.traballo.santiago@xunta.gal.
2. Os envíos por correo electrónico non requiren da impresión para a súa sinatura e posterior escaneado. Poden enviarse directamente no soporte informático provisto.

COMUNICACIÓN	CANDO SE ENVÍA	REQUIRE REXISTRO (sede electrónica)	POR E-MAIL	OBSERVACIÓNS
Comunicación de inicio do programa de emprego e solicitude de anticipo (Anexo II).	Dentro dos 10 días hábiles seguintes a aquel no que rematou o proceso de selección das persoas demandantes que van participar	SI	NON	Debe acompañarse de toda a documentación indicada na orde de convocatoria.”
Comunicación de baixa de persoas demandantes e substitución das mesmas	Dentro dos tres últimos días hábiles de cada mes	NON	SI	Remitirse esta solicitude ao Servizo de Programas Mixtos facendo constar no asunto: “COMUNICACIÓN DE BAIXA” Xuntarse unha folia de cálculo que está colgada na páxina web, cos datos das persoas que causan baixa e as correspondentes altas.
Solicitude de autorización de publicidade.	Previo á realización das accións publicitarias	NON	SI	Indicar no asunto “SOLICITUDE AUTORIZACIÓN PUBLICIDADE” e achegar copia dos materiais en formato PDF e condicións idénticas ás de publicación. Require de aprobación expresa previa.
Solicitude de prácticas en empresas. (Anexo IV)	Con antelación suficiente para a tramitación da información a outros organismos e, en todo caso, antes do inicio previsto.	NON	SI	Indicar no asunto “AUTORIZACIÓN PRÁCTICAS EMPRESAS”
Comunicación previa da subcontratación para actividades formativas	Previo á realización da subcontratación	NON	SI	Indicar no asunto “COMUNICACIÓN SUBCONTRATAÇÃO FORMACIÓN”
Comunicación previa a realización de formación certificable	Antes do inicio da actividade formativa	SI	SI	Indicar no asunto “COMUNICACIÓN PREVIA FORMACIÓN CERTIFICABLE

